

ISTÓRIA KONA-BA IMPAKTU NO REZILIÉNSIA

HUSI EMA HO DEFISIÉNSIA

VITORINA S, TIMOR-LESTE

Fahe esperiéncia moris nian sei fornese perspectiva ba ema hirak ne'ebé halo planu no desizaun hodi haree ba ema hirak ne'ebé hetan impaktu husi sira-nia desizaun.

Hau Vitorina Sarmento Savio, hau defisiensia matan total, husi Munisipiu Baucau, Postu administrative Venilale.

ANTES PANDEMIA

Hau iha organizasaun Esta Timor Blind Union (ETBU), kaer programa Koperativa, hau halao atividade koperativa nian sira fo osan transporte nian deit. Depois hau servisu hamutuk ho UNDP fo formasaun konaba letra Brille ba defisiensia matan sira iha Baucau durante fulan ida, no hau hetan hau nia direitu full iha memento neba, depois kontratu remata, kontinua hau nia atividade iha ETBU.

DURANTE PANDEMIA

Durante Covid-19 nia laran, ita hotu-hotu sulan an iha uma deit la halo buat ida no transporte publiku sira mos la halai. Hau la hetan osan tanba koperativa nia atividade laiha, susar loos hetan hahan no osan hodi uza ba nesiedade loro-loron. Wanhira hahan laiha ami kontaktu director ETBU fo hahan oituan mai ami. Depois situasaun Covid-19 diak oituan, hau halai ba foho durante fulan rua resin. iha neba sente diak, tanba ami iha produitu lokal hodi han ba ami diak hela, maibe foos mak susar. Durante Covid-19 nia laran, Estadu Timor Leste fo subsidu \$200.00 kada uma kain, no hau nia familia mos hetan. Osan ne'ebe hau nia familia hetan uza ba nesiedade uma laran hanesan; foos, mina, modo no buat seluk tan.



DEPOIS DE PANDEMIA

Wanhira situasaun diak oituan hau mai fali Dili kontinua nafatin iha ETBU halao hau nia knaar nuudar koperativa. Fasil ona movimentu ba mai no halao servisu iha uma ho diak tanba transporte publiku sira halai ona. Agora dadaun, hau servisu iha Asosiasaun Defisiensia Timor Leste (ADTL), hau kaer hanesan programa advokasia nian. Hau hetan hau nia direitu kada fulan no hau sente kontenti loos. Osan ne'ebe hau hetan, uza ajuda fali familia sira iha uma laran nomos haree ba hau nia nesiedade loro-loron nian.

Publikasaun ne'e hetan apoiu fundus husi Governu Australianu liuhosi Departamentu Asuntu Esternu no Negósiu (DFAT), produs hosi RHTO no Nossal Institute, University of Melbourne, liuhosi parseria CBM-Nossal. Observasaun ne'ebé espresa iha publikasaun ida-ne'e hanesan observasaun autór nian deit, no la nesariamente observasaun Governu Australianu nian.



LEE ISTÓRIA
BARAK LIU TAN

